

PL

1420

F.35

1666

V.1


9221 373

方密之先生手輯
姚經三先生校定

通

雅

立教館校鐫



通雅序

詩有四始。雅居其二。

周公詒詩。爰作爾雅。

太史公攷黃帝以來

之書。擇其言尤雅馴。

者。著爲史記。雅之於

文。尙已傳記。宜聖雅

言。註稱恒言。然則言

非聖人所恆言。卽謂
之不經。謂之俚語。語
之近于俚者。聖人絕
口不道。可知也。吾嘗

疑。上古無俚語。上古

之俚語。皆雅言也。有

如殷之盤庚諸誥。諄

諄訓民遷都。此卽今

之曉諭耳。其文詰曲。
聾牙。後世博士家。窮
年咕嚕。尙未盡通其
義。當時閭巷編氓。何

以一見而卽曉然於

上指也。則盤庚之文

句。後世以爲艱奧。必

當時所爲淺近通俗

者矣。司馬長卿作賦
奇麗沉博。讀者倉卒
不知其意思所在。吾
不知武帝誦之。何以

飄飄有凌雲意也。大
拓漢去古未遠。其發
言蘊藉之深。字句之
奧。風尚以然。上至人

主下逮細民。皆習之。
以爲邇談。是故一聞
卽悟。所謂古人之俗
語卽雅言。是也。後世

風氣淺薄。文字隨之。

方言里諺。漸染既久。

習而僂之。而於典謨。

載籍之文。少所見多。

所恠。反視爲古文奇
字。非訓詁不通。俗學
日深。雅道日蕪。可勝
歎哉。吾鄉方密之先

生天資絕世讀書十

行俱下又好學覃思

自童迄白首手不釋

卷每有所得輒登諸

油素。聞之西頑道人。
曰。自先生未通籍。卽
有通雅二書。書成三
十餘年矣。凡天人經

制之學。無所不該。其
大指。尤在乎辨點畫。
審音義。因而攷方域。
之異同。訂古今之疑。

譌。有畫具而音訛。有
音存而字謬。有一字
而各音不等。有一音
而數義以分。引據古

文苑稽謠俗博而通
之總之不離乎雅者
近是先生生平著作
等身今一旦盡棄之

而講出世之學。豈欲
復以故紙問世乎。然
此三十季之心力。所
以嘉惠後學。無窮。雖

先生之土苴實後學
之津梁也爰蠲資付
梓用公海內讀是書
者儻能探頤以觀其

通矯俗以歸諸雅。卽
文章風氣古道復興。
則先生之功當不在
禹下矣。

嘗



康熙丙午夏日龍眠

姚文燮題於芝山


之春草堂

1666年





通雅序



往予與愚道人同學時竊見其
帳中恒有秘書不以示人間掩
而遽閱之則其所手抄成帙者
也凡生平父師所誥目所涉獵

苟有可紀者。無不悉載。卽一字之疑。一音之訛。一畫之舛。亦必詳稽博考。以求其至是。人言道人生平。手不釋卷。搦管處。指爲之腫。要其三十年心血。盡在此。

一書矣。書成名曰通雅。猶之鄭
樵之爲通志。馬端臨之爲通考。
以言乎無所不該也。予嘗謂道
人曰。吾人讀書觀大義而已。若
夫研陰陽之理。窮天人之故。考

政事之得失。辯學術之異同。以
及古今制度之異宜。中外風土
之殊俗。如子所載者。吾以盡心
焉。至於噐數之末。詁釋之煩。點
畫之細。世自有竄句博物之徒。

子何以役志爲。道人曰。嘻。吾於
此疑有夙習焉。吾小時卽好爲
之。吾與方伎遊。卽欲通其藝也。
遇物欲知其名也。物理無可疑
者。吾疑之。而必欲深求其故也。

以至於頽牆敗壁之上有一字
焉。吾未之經見。則必詳其音義。
攷其原本。旣悉矣。而後釋然于
吾心。故吾三十年間。吾目之所
觸。耳之所感。無不足以恣其探

索而供其載記。吾蓋樂此而不
知疲也。今道人旣出世矣。然猶
不肯廢書。獨其所著書。好作禪
語。而會通以莊易之旨。學者驟
讀之多不可解。而道人直欲以

之導世。若所謂通雅。已故紙視
之矣。姚子曰。通雅者。道人今日
之唾棄。而昔日之秘藏也。旣久
秘而不章。今又棄焉。將此三十
年心血。付之流水乎。且天下聞


道人之風。而欲學其學者甚衆。
今不以此書示人。而徒使惛惛
慰瞽於不可解之書。豈其導世
之本意乎。吾梓焉。夫藐姑射之
神人。其塵垢糠粃。猶將陶鑄堯

舜茲集。固道人之糠粃乎。而姚
子樂得而傳之。吾知其所陶鑄
者廣矣。

田間同學弟錢

澄飲光

撰



自序

函雅故。通古今。此鼓篋之必有
事也。不安其藝。不能樂業。不通
古今。何以協藝相傳。詎曰訓詁
小學可弁髦乎。理其理。事其事。

時其時。開而辯名當物。未有離
乎聲音文字。而可舉以正告者
也。爾雅之始於釋詁而統當名
物也。十三經從之。博而約哉。自
篆而楷也。聲而韻也。義而釋也。

三蒼五雅註疏字說金石古文。
日以犁然。匿庸嗜竒。一襲一臆。
兩皆不免。沿加辯駁。愈成紕繆。
學者紛拏。何所適從。今以經史
爲槩。遍覽所及。輒爲要刪。古今

聚訟爲徵攷而決之。期於通達。
免狗拘鄙之誤。又免爲奇僻所
惑。不揣愚瑣。名曰通雅。雖挂一
漏萬。狀從今以往。各出所核。歲
月甚長。備物致用。採獲省力。諒


亦汲古者所樂遊之苑囿也。

辛巳夏日皖桐方以智密之題

於上江小館



子



感德生主水師

辛丑夏月刻師文以歸齋之觀

亦遇百書徵樂藝之或國也

序

學惟古訓。博乃能約。當其博。卽
有約者。通之。博學不能觀古今
之通。又不能疑焉。貴書簾乎。古
有博於文畫者。博於象數者。典

制者。箋註者。詞章者。名物者。隱
怪者。經史既別。各有專家。小學
原流。忽爲細故。上下古今數千
年。文字屢變。音亦屢變。學者相
沿。不考所稱。音義傳訛而已。上

古眇矣。漢承秦焚。儒以臆決。至
鄭許輩起。似爲犁狀。後世因以
爲典故。聞道者自立門庭。糟魄
文字。不復及此。其能曼詞者。又
以其一得管見。洸洋自恣。逃之

虛空。何便於此考究根極之士。
乃錯錯然元本不已苦乎。撫寔
之病。固自不一。屬書贍給。但取
渙獵。訓故專已。多半傳會。其以
博自詡者。造異志怪學。子橫子

年且不逮。豈許差肩曼倩茂先
間乎。反不若君道至能草木狀
虞衡志爲足佐。景純元恪有禪
多識矣。宋之編考夾漈頗有所
見。馬章次之。伯厚次之。金石則

比輯於歐趙呂王。而原父子固
彥遠長。睿辯考爲力。朱子每慕
六一。而於存中泰之襍說。亦無
不畱心也。洪武初。劉宋之根極。
瓊山荆川之編彙。潛谷本清之

圖纂皆冒大略。少有是正。子元
仁審瑣瑣記之。陸文裕于文定
時有一端。京山若有所窺矣。支
與流裔未委悉也。李大泌阮霧
靈可謂強記。李屬方子謙補韻

會其疎略。猶之直翁無大發明也。新都最博。而苟取僻異。實未會通。張東莞學新都。竊取尤多。嶺南之九成子行也。澹園有功於新都。而晦伯元美元瑞駿之。

不遺餘力。以今論之。當駁者多
不能駁。駁又不盡。當然。因前人
備列以貽後人。因以起疑。因以
旁徵。其功豈可沒哉。今日之合
而辯正也。固諸公之所望也。

壬午夏以智又記



凡例 六則

一是書成於先生己卯以前。大抵咕嗶之餘。旁搜雜
采。間出己意。佐以辯論。誠博物之要典也。自庚辰
通籍以後。待詔之暇。益加詳核。業有定本。爲當時
名公鉅卿。序以行世。值多事未果。幸際

昭代。功令聿新。士崇古學。特爲蠲資授梓。公諸海內。非
惟不忍沒作者之苦心。亦祈有資於學人之稽攷
也。

通雅序
一先生規萬古法。避諱惟謹。其一時廟諱。以及家諱。或難悉避。俱增減點畫。或通用古字。未嘗輒犯。茲刻悉遵原本。不欲擅改。以違雅志。

一先生言必稱先。以志家學之有本也。卽尋常聞見。得諸師友者。亦不肯昧其所自。如集中所稱明善先生。則其曾大父本菴公也。文孝先生。則其大父廷尉公也。宗一先生。則其外大父吳觀我宮諭公也。貞述先生。或稱鹿湖老人。則其尊公中丞公也。

霧霧山人。則前輩阮堅之先生。邵武太守也。虛舟石塘。則其受業師。王化卿。白瑕仲。兩先生也。諸公皆吾鄉賢達。名字久著四方。或未悉其別號。特表而出之。

一先生累代文章。一門博雅。如長公田伯中。德次公位伯中。通季公素伯中。屢令姪有懷中發。皆自相師友。著作有聲。茲集悉經手校。故攷訂最精。應紀之以見其家學之盛。

一是書。初爲盱江何印尼。徐仲光。諸公。領袖募梓。已得十之一二。或人刻數卷。或數人共刻一卷。陸續成編。多不合式。燮未敢因以爲功。獨力剞劂。特選善手。逐字較訂。點畫悉依正韻。剞劂頗稱精良。庶令觀者。心目朗然。

一是書。係先生門人廣昌揭子宣。携至建溪。會吾鄉西頑道人。極歎其佳。因同吾師陳二如先生。吾友吳炎牧。慇懃行世。遂竭力付梓。幸爾告成。至於曉

夜校讐。一字無譌。則子宜之勞。不可誣也。

羨湖燮識

通雅凡例

此書本非類書。何類也。強記甚難。隨手筆之。以俟後證。久漸以襍。襍不如類矣。亦子謙愚公侯子孫之意也。爾雅爲十三經之小學。故用其分例。釋詁則合其言訓。而附以諛語重言。一字之詁。則別編字書。此可不必矣。其餘釋地釋天釋器之類。則有專有合。服食樂附器。皆器也。古人不似後人之求詳整也。然後人之詳整。復故分之。艸木鳥獸之後。畜

各爲條。此則附焉。其意猶之爾雅之箋翼也。常所稱用。不煩疑辨者。無所事載矣。

古人倣爾雅體。若廣埤之類。皆與方言釋名同規。不載所出。直是以意取玉篇之字耳。無益後學。此書必引出何書。舊何訓。何人辨之。今辨其所辨。或折衷誰是。或存疑俟考。便後者之因此加詳也。士生古人之後。貴集衆長。必載前人之名。不敢埋沒。此書每則。上標一語。倣爾雅之遺。使觀者望而知之。

然後尋繹下方。

此書主于折衷音義。其無辨難者。或爲語不經見。又所忽畧。或舊名紛糾。爲刪舉其要。以便省覽。又有異者疑者。偶書以俟正。故無斷詞。

經傳字義連用者。此則引之。以爲原本。至于解經大指。大經大制。此不及也。別載經學編中。少受河洛于王虛舟先生。又侍中丞于法司。聞黃石齋先生之易。別有折中論說。此天人大原。象數律曆之微。

盡本諸此。通雅類中。或偶舉大槩。不敢細述。別作
圖考。

辨證以經史爲本。旁及諸子百家。志書小說。難可盡
信。然引以相參。自可證發。方域官制。客編一圖。此
舉其錯亂之尤者。經制諸款。本非小學所收。偶有
音義論及。因撮其槩。此書主于辨當名物。徵引以
證其義。不在鈔集編纂也。
草木鳥獸之名。最難考究。蓋各方各代。隨時變更。東

壁窮一生之力。已正唐宋舛誤十之五六。而猶有誤者。須足跡徧天下。通曉方言。方能核之。爾雅詩注。漢晉卽多謬缺。存中漁仲元晦伯厚升菴元美諸公。皆不能定古人之名物。而可責人乎。

天地歲時推移。而人隨之。聲音亦隨之。方言可不察乎。古人名物。本係方言。訓詁相傳。遂爲典實。智考古今之聲。大槩五變。此事無可明證。惟以經傳諸子歌謠韻語。徵古音。漢注漢語徵漢音。叔然以後

有反切等韵矣。宋之方言與韵異者。時或見之。至德清而一。改終當以正韻爲主。而合編其下爲一書。

攷究之門雖卑。然非比性命可自悟。常理可守經而已也。必博學積久。待徵乃決。故事至難而易漏。若待全而後錄。則前者復忘之矣。此藏智于物之道也。人失弓。人得之。古今相續而成。物惡其棄于地也。不必藏于已。力惡其不出于身也。不必爲已。此

則顒望後之君子。

臨文不諱。然同太之例。自古有之。此有論字者。惟減其畫也。

崇禎癸未夏方以智記

崇德元年冬夏不修出

共畫出

湖文不新為同太之國自古自之流

陳思王外之孫

通雅總目錄

卷首之一

音義襍論

卷首之二

讀書類畧

小學大畧

卷首之三

詩說

文章薪火

卷之一

疑始

專論古篆古音

卷之二

疑始 古篆音

卷之三

釋詁 綴集

卷之四

釋詁 論古雋

卷之五

釋詁 古雋

卷之六

釋詁 諛語

卷之七

釋詁
諛語

卷之八

釋詁
諛語

卷之九

釋詁
重言

卷之十

釋詁
重言

卷之十一

天文
釋天
曆測

卷之十二

天文 陰陽 月令 農時

卷之十三

地輿 方域

卷之十四

地輿 方域

卷之十五

地輿 水注

卷之十六

地輿 地名異音

卷之十七

地輿九州建都考 釋地

卷之十八

身體

卷之十九

稱謂

卷之二十

姓名 姓氏 人名

卷之二十一

姓名 同姓名 鬼神

卷之二十二

官制仕進

爵祿

卷之二十三

官制文職

卷之二十四

官制

卷之二十五

官制
武職
兵政

卷之二十六

事制
田賦

卷之二十七

事制 貨賄 刑法

卷之二十八

禮儀

卷之二十九

樂曲

卷之三十

樂舞 樂器

卷之三十一

器用 書札 碑帖 金石

卷之三十二

器用 書法

裝潢

紙筆墨硯

印章

卷之三十三

器用 古器

卷之三十四

器用 襍器

鹵簿

卷之三十五

器用 戎器

車類

戲具

卷之三十六

衣服 彩服

卷之三十七

衣服 佩飾 布帛 彩色

卷之三十八

宮室

卷之三十九

飲食

卷之四十

算數

卷之四十一

植物 草

卷之四十二

植物 草 竹葦

卷之四十三

植物 木

卷之四十四

植物 木 穀蔬

卷之四十五

動物 鳥

卷之四十六

動物 獸

卷之四十七

動物 蟲

卷之四十八

金石

卷之四十九

諺原

卷之五十

切韻聲原

卷之五十一

脉攷

卷之五十二

古方解

通雅目錄終

通雅卷首之一

桐山方以智密之輯著

同里姚文燮經三校訂

音義禠論

攷古通說

古今以智相積而我生其後攷古所以決今然不可泥古也古
人有讓後人者常編殺青何如雕板龜山在今亦能長律河源
詳于濶濶江源詳于緬志南極下之星唐時海中占之至太西
入始爲合圖補開闢所未有可畫定禹貢之積石岷山太初之
天官不必求多哉子思在魯繆時核以遷表自不得見孔子焦
弱侯曰伯魚生子思而卒在孔子前猶不決耶不告而娶在底

豫後孔子無誅少正卯之事三一公斷斷然也。

吳觀我宮論學別號三三一

庸貴闡禮經之心不必苦辨古文畫卦卽是文字不必苦辨倉

帝詩之爲樂棊曲之爲兎園左傳非丘明夾漈得之俊卿之論

魯禮戴埴之言泮宮非學戴和之論離和張東之明二十五月

禪史繩祖明常儀爲官升菴以脩文御覽定西施之歎郝京山

之言周官春秋明辨類函言老子出於管子頤生微論明內經

之附上此皆獨發虛舟子衍河圖爲洛書

王化卿先生長於漳吾桐最精河洛

浦公衍天方圖

庚辰中丞公與石參先生在西庫論易衍此中丞公歎曰此方圓同時圖

尤爲絕學

曠代始聞智常見數千年不決者輒通攷而求證之春王正月

聚訟詞費明堂朝廟不悟通稱昭穆禘祫膠執其名繪繡齋答

遂成典故。合止祝敵。乃限六聲。黍離王風。豈得言降。四時五行。卽爲六宗。娶妻生子。辟卦周七。春官。席樂無商。二十八調無徵。蓋必非缺一之說也。生今之世。承諸聖之表章。經羣英之辯難。我得以坐集千古之智。折中其間。豈不幸乎。客有過曼寓者。問通雅音義而及之。且識其小。辛巳涂月。浮山愚者密記。

古人說理事之音義。轉假譬喻爲多。不可執後人之詳例以論也。况有庖寓附會者乎。楊氏曰。說築傳嘷之野。築猶居也。楚詞予築如云。卜築。王楙曰。傳說胥靡。乃傭也。而古今以爲刑人。蓋板築胥靡。刑人相沿也。莊子曰。傳說騎箕尾。此後世取以各星耳。鬻艸曰鼎。有實慎所之。伊尹負鼎。言負才也。乃謂庖人。遂作

湯液。天問緣鵠飾玉。竟有修飾玉鼎之註。弋說曰。割烹如借箸聚米。說命和羹之云也。韓嬰引詩。漢有游女。而稱孔子至楚。見佩瑱浣女。使賜挑之。王逸方朔皆曰。路女方桑。孔父取以自待。子高荅平原君曰。阿谷漂女之言。出于近世。何待客坐之辨乎。禪謀艸創。左氏遂謂謀野。寧戚飮牛。遂作相牛之經。青島來時。註稱簡狄吞卵。卵西互取。而旗畫鳥兔之象。其觸蝸補。夸逐羿射。上古荒唐。隨人傳會。如云蛇身牛首。猶鴛肩燕領也。爾雅云。西至于王母。穆傳。西王母獻享天子。其爲西方國名明矣。章亥步地。不必胼胝。閭闔天門。非關中舉。挂瓢惡聲。仍是枕流漱石之話。騎龍弄鳳。其寔不過鷦鷯之枝。自子思荅樂朔觀之。訓詞。

喜于深厚。加以上古方言。後世屬文襲取生割。是用約通其故。以助讀書者。但會其意。勿爲刻畫讎語所迷。

孔融曰。郊天鼓必麒麟之皮。寫孝經。當曾子家策乎。漢儒解經。類多臆說。宋儒惟守宰理。至于考索物理時制。不達其寔。半依前人。席中行禮。天子永無南面。沂必溫泉。正月何愛風涼。半月周御。分日可咲。大房夏屋。明證反遷。束皙補六笙詩。大學補格物章。贅矣。或問西山餓夫不食周粟。有之乎。程子曰。不食周祿耳。樂正子三月不下堂。果禁步乎。速貧速朽。蚤知有爲。靡有孑遺。不以詞害。鄭聲淫。非鄭詩淫也。可知回何敢死。決不上告天子。血流漂杵。孟子多此一疑。美丘欲葬。則瑗請前。決不如陳澹

之解矣。

學易叁稿曰。世以莊列寓言。而寓實始于易。方圓圖書。萬變畢具。初未嘗言理言事也。畫前畫後。非造閉解閉之所出耶。龍狐牛馬。杞莧梯茹。皆象教引觸。不作譬况者也。化而言之曰法身。曰牛車。曰醯眼。曰六臂。曰千手摩尼寶珠。隨人變色。破塵經卷。龍樹入泮。嗅而知之。果恃鼻乎。如椰子大貯萬卷書。天在山中。大畜之象。乘雲氣。騎日月。惟達觀者方可與語。

礪谷禡燒。周易靈素。以上筮醫藥而全。博士所職。圖籍可收。原自歷歷。不獨弇中其壁也。陳農購後。托者加者。譌者應不免耳。古文尚書。梅鶯議之。郭公夏五。顯狀闕失。明堂戴記。漢儒補苴。

他如山經穆傳。周末好事。握奇六韜。以兵而造秘焉。堯日至虛。而汲冢周書起牽牛。秦節曰臘。爵曰庶長。而乃見春秋左氏傳。稀黥韓覆。乃載李斯之蒼頡篇。若鵠冠鬻子鬼谷子華之類。詎免張霸劉炫之忍俊耶。劉子玄云。郭子橫洞冥。王子年拾遺。全搆虛詞。用驚愚俗。任昉述異。殷芸小說。沈約四公子。唐杜陽襍編。天寶遺事。宋雲仙散錄。清異錄。相沿蜩起。溫公作通鑑。亦誤取天寶遺事。况下此者乎。西京襍記。本葛洪作。而以僞劉歆。亢倉子。本唐王士源作。乘槁杙。乃晉衍作。元經出阮逸。世以逸作。孔叢出宋咸。世以咸作。朱子以麻衣出戴師愈。黃東發以文子出徐靈府。宋景濂以關尹出孫定。元美以元命包出張昇。元瑞

以三墳出毛漸升菴疑陰符出李筌赤鳥果狀飛去龍威何處
蔽辜。贇刼追辨七言。大是癡人說夢。貝編壺史。總屬諾皋隱形。
碓碌雲駮。何爲而受欺乎。姑妄言之。姑妄駁之。但以消閒小學
技藝皆可。東坡招人說鬼。固不如博奕也。

馬子卿以石鼓爲宇文時造。弱侯以蘇綽傳證之。吾衍鄭瑗之
斷比干盤。永叔少游之斷季札碑。黃伯思以詛楚亞駝在烏氏。
而董斷爲淳沱。是也。曾稽李斯碑。元申屠駟所刻。范雲所讀。在
秦望山。後分吳會。蓋古會稽大也。何疑塗山爲會稽乎。元瑞據
晉武咸寧五年。譏升菴太康二年。魏安釐王之誤。則未見廣川
書跋與書史也。秦少游言南齊雍州發楚王冢得竹簡。則襄陽

也。秦璽久亡。段義楊桓熊翀所上者炫也。周敬山之疏當矣。書不必盡信。貴明其理。或以考事。或以辨名。當物。或以驗聲音。稱謂之時變。則秦漢以來之所造所附。亦古今之徵也。卽如素問本艸。業者必加。豈可以漢郡名而疑神農。周公爾雅。學者隨時增益。自是通訓。豈可以張仲而黜之。不列十三經乎。周髀損閏久桀。疇人傳之。寔乃有用之度數。天狀之至理。禹之所治。不可忽也。何疑吐哺中無商亭乎。若嗜淺惡深。一切疑之。永叔疑文言。象山慈湖疑繫傳。至今郝京山何元子。信文王八卦而疑伏羲先天圖。豈不可笑。

辛巳曼寓隨筆

辨證說

是正古文。必藉它證。乃可明也。博狼葆祠。蕢約果隋。皆以史漢互證。蘇苾熅火。有召信臣之難。蘊火爲證。與語區脫。有漢書傳之甌脫爲證。食貨志。一黃金一斤。得晉灼說。巴志黃龍而證。觀于假貸乞句。而句貸以明。觀荀子之區蓋。刊謬之丘區。而丘蓋亦可明矣。焦字孝狀。是光非先。匡續子孝。因訛俗而訛裕。田疇子春。史避作泰。陶言無終。其明證也。觀公卿表通鑑之張譚。可知匡衡傳之甄譚。卽張觀古今人表之尾生高。尾生畝。與小顏之尾生注。而論語之微生爲尾矣。楚策黃歇說秦昭。鬼神狐祥無所食。得春申之孤傷。新序之潢汙而明。楊由傳風吹削哺。得

家訓削棘潏潏而明。本艸畱師密得郭璞黑蜂爲笛師而明。葵
菰通稱。何疑菜部得詩傳之園葵。論衡之葵韭而明。盍脫跳脫。
足明平脫。昆吾木吾。足明金吾。僕姑。胛肚。瓜椎。終葵。土瓜。日鉤。
曄姑。足明瓜葵魁椎之聲。碑下叭嘎。足明負下未易居之語。如
旖旎十四變。逶迤三十二變。皆譚謏通證而得也。智每駁定前
人。必不敢以無證妄說。坤後得主。六一直方之讀。明有文言。猗
嗟名兮。居居究究。明見爾雅。故敢于補攷亭耳。觀于三獻燭一
獻。羹羹獻而汁獻。澆于醢酒。何疑。浴尸必先掘坎爲池。推板時
填之。則填池何疑。康成竟讀汁獻爲汁凜。填池爲羹徹。非猶是
箕子芟茲旅葵。酋豪之臆耶。

刊落折中說

虞仲翔斷柳卵之失。杜元凱有門閨之辨。緇衣注疑割厥之聲。

西京襍記言璞。朔之類。魯論之通歸饋。雞口轉為雞尸。往往而

狀漁仲謂武从𠂔。

古舞作習。撫作伎。可證。左傳附會止戈耳。

右軍改陳从車。稚川加

彡為影。于理苟通。雖翔何核。洞漸可別。而趾邱則衍。

圖經兗州洞水。申州

漸川。三蒼作趾。說文有邱。

逢逢可分。而伶敔實複。安石喜為鑿說。何異王育。

宦光主為專別。甚于佩觿。蓋自篆籀流為真艸。衛包改去古文。

所存舊跡。定有乖異。北齊大顏曰。世間小學。不通古今。必依小

篆。是正書記。凡爾雅三蒼說文。豈盡蒼頡本指哉。亦是隨代損

益。何況後來。夾漈所謂眼學耳學。日以難矣。管子六壑。光莖紀

繡琬沮渠人趙敗山海經之峯廣韵字彙韵會小補皆漏謂宐
略耶孫休名子恣墨強造何具錄乎不羹音郎金選音刷陸法
言孫恂皆遺之而先儒已誤者犧尊音娑業見辨于劉董劉杳董道
玉篇之黠久條論于家訓之推反皆收列全不分疏又况道啗
蹈函之承誤較類講斟之紛辨而望其攷定耶孔平仲曰荀子禮論云郊止于
天子社至于諸侯道及士大夫言祭門及行也曰井曰行皆謂
路也別本史記作啗司馬貞因曰含苞也士大夫得苞立社也
楊倞曰當是道誤爲啗又誤爲啗今史記直作函字音含矣一
字而四變也升菴譏溫公通鑑改斟作較元美曰乃漢書改也
智按今監本凌本皆作講若畫一注或作較師古曰講和也史
記作類若注徐廣音古頃反一音較漢書作講一作觀楊王各
見本耳無作斟者
以斟音較而誤

隸變傳寫偶爾隨筆有之後人專主僻異則過矣七發之骨母

乃胥毋山也。戚伯著碑作骨。賈子之駟牙。升菴所引卽駟虞山海作駟吾。此芻訛也。

耳。元常之芟蕘。西狹頌趨作趨。芻借多也。杜林以芟爲芟。逸少之郗公。繇紹聲轉郗。

字。南史之僧孺。因孟郁碑。以孺作孺。常璩之秭歸。紀產碑作歸。孔龢碑作歸。歸藏作歸。歸匪。

周書之莫那。字文晉回生莫那。北史作莫那。南梁書之惣督。鄭烈下句碑總作惣。說作惣。婁壽西。

狹督作。此隨筆也。以闔門爲闔門。而反譏韋昭之誤。以士雅爲替。从日。此隨筆也。以闔門爲闔門。而反譏韋昭之誤。以士雅爲

士雅。而反指晉書爲訛。陳寔引魯語。文伯之母。季康子往焉。闔門而與言。韋昭注。闔爲闔。今按闔。馬不

出門也。智攷國語是闔門。音委弱侯音囑是也。水南誤矣。陳眉公據宋小說謂祖述字。士雅智過攷諸本無作雅者。魏書英結

壘。士雅山三省。以龜茲爲龜茲。朱龜爲侏虬。亦與通志不合。漢謂山以述名。

譯何爲用奇字乎。漢書龜茲音丘慈。升菴曰古龍音虬。龍子也。漢有侏龜。讀如朱虬。龜茲國之龜。从此。智按

通志略。龍子有角曰龍。無角曰虬。則龍與虬爲二。朱龜碑在亳州界中。龜字伯靈無作龜者。至西域龜茲。原未有字。譯者求明

顯何不以此茲譯之乃故用多畫不經見之龜字乎蓋古龜有丘音說文龜舊也趙達煩顧互通充从九紂醢九侯即鬼侯馬

融頌芋渠即芋魁才老以廚珠殊仄柳穀作櫝穀見說文改朕入尤韻范曄龜茲作屈沮即此可推柳穀作櫝櫝屬訛誤

為映梁元帝纂文日曬因作晏訛吳陌說文引日陌之小造弓

弓升菴音周因々音蚪長膚以弓為卷小黃訛小王京傳焦小

作小牢九作牢九禰俎可證祆自非祆唐官品有祆正音軒徐

非黃令榮自非榮爾雅榮蘆葩陳紫菰即蘿蔔蘇頌不知謂菰入北

而變封禪書導一莖六穗于庖而造瑞禾之導凡夫不知反譏

漢志導官河鼓訛黃姑伯勞歌杜馬永卿不知爾雅兩牽牛而

王道俊猶謂黃姑為牛宿闕氏讀胭脂而竹坡怪樂天用葵支

貢父譏顏解皇后豈知退安焉之轉乎甲歲闕逢史作焉逢馬

通雅

卷首之一

音義禰論

八

流卽馬畱。而程泰之但引夜奢馬人龍家卽驪家。而元美但記

入水崑侖爲龍戶。李暮擬笛訛勝笛。而子贇竒之。嬖女訛嬖女。

而仁寶異之。穆護轉木斛。而山谷竟作木瓠。孫愐以雙爲雙。而

季疵遂作馨欬。

音備

志林誤引相訊。

樂記治樂以相訊疾以雅相雅皆節樂器也。

筆叢

猶用九京。

檀弓京古原字人遂訛京。

李濟翁以行李作岑。而永卿彭乘皆誤。

夏彥劄以襟穿爲船。而王元之覺範皆誤。八采盧郎。虎臣證以

白八采名。而今猶用張祐八米詩。

孔毅父續世說云。北齊盧思道挽歌八首。時人號八采。姚

寬引秦語七米八米。詩紀刻之。

劉蛻靄廼歌。次山作欸乃歌。而洪駒父遂作勢

靄。

柳注棹聲一作襖靄。而山谷實之。冷齋遂引勢靄。蓋欸與欵近。欸有靄音。

咄嗟。咄暗。咄叱。自通。貢

父以司空圖咄咄而辨。譏石崇之咄嗟。則不必矣。剛卯滕繇訛

爲滕繇。陶九成謂無此字。則未攷漢志也。陸友仁訝吳彩鸞鈔
二十三先。則未見孫恂韻也。鑿空。掠虛也。唐詩謂空中行而升
菴。猶引開山洞。狀騫鑿空。史斷語也。謂弄空媚武帝也。注鑿孔泥矣。禦兒亭訛語兒。陸廣
微附會之。而陳胡反以訾楊耶。

注釋正字說

伯于爲公子。公羊已識仲尼之歎。助語爲鳥名。爾雅亦有鶯斯
之誤。朱子改素隱爲索隱。因班孟堅退之。改畫寢爲畫寢。得水
經注。澧邑而信。王蠋畫邑人。孟子三宿此。彖言全體。爻言分體。不必引毛犀。
不必篆已亥。魏篆作彖。楊引茅犀。餘冬序錄近是。按古易遯卦作遂。管子豚豚取團團之聲。豚是體。薦爻是折俎。
加肉。宗祀卽尊祀。伯宗公羊作伯尊可證。明堂別于壇。圜丘是壇。宗祀屋
爲齊。

通鑑

卷首之一

音義襟論

九

之行在所也。漢說側匿論月魄。漢五行志眇眇猶羸縮。蔡許之

紛紜別有詳論。邕曰元朔月見西方謂之側匿。慎曰朔而月見東

說決無此理。方謂之朧晦而月見西方謂之眇。漢太初舛至此

乎。宗廟彝器用繪衣裳用繡。郝辨鄭最細曰織粗白曰縞。厥筐

縞青白二色而織縞二種。祥而縞禪而歲以星一周。祀以祭一

編季以禾一熟。載以一歲事畢。纔終又始。唐虞三代原通用也。

豕遂通歲或曰越也。且月為焦。涂月為除。爾雅六月為且言熟

或取步戌一端之說。且月為焦。涂月為除。也。上林賦巴且即巴

焦可證。十二月為涂。注音徒智謂歲將除也。李石左个即左間。

臘丙作橘。滁鑑修堂涂亦音除。即今滁州可證。河干即河間。讀書通介尚書百姓為百官。公姓子姓。謂公孫子

孫也。振振公姓。注公孫也。玉藻子大麓為大錄。孔叢桓譚皆同

姓之冠。田蚡傳跪起如子姓。大麓為大錄。張萱云大麓者

古為壇國外會諸侯。智按大傳曰招樂興于內錄。謂宰相也。桓

大麓報事還歸。談狀作大唐之歌。此亦一證。內錄。謂宰相也。溫

讓內錄人稱道子東錄元顯西錄玉敦音對猶瓚盤唐盛器瓚盤可證舉案猶禁

炭孟光舉案子元讀案如梳楊取之元美譏楊非也智謂玉人案十有二寸非几也房俎非屋也萬石君對案不食案猶於

禁曾用梳蕨梳即梳以五更伯喈以嫂作姪田更字本交更相近為田

叟晉張湛鄂不為萼專鄭云承華曰鄂不附也不象蒂形與萼專芙通不顯為不顯不

不通詛楚昧谷為柳穀娶柳注引書曰度西曰柳穀日沒色日秦鍾皆狀

而以為昧今作宅西昧谷是鄭改柳為昧矣其殆執禮為執禮

柳訛卯卯訛卯卯音昧乎吳澄遂謂昴宿當作雷胡庭芳放桐為

陸文裕說兼禮樂儀事言也智按剪商是戢商胡庭芳放桐為

說文引我執黍稷可證執執古通剪商是戢商取說文放桐為

教之孫奕示兒攷據故實自當收存因昆吾知昆子許氏曰壺

黻昆子不可知因孰哉證安哉仲雍字孰哉李尤有安哉銘雉

智按吾子通轉噫戾兮于為輿謗之聲榆沈卹勿樊纓負劍之說黃淡鬱泥卷

婁歛尉之名。韜脊卽燼涪定之解。九拜謹空鹽豔之辨。雖屬納故。隨見而識之。偶得之雞肋。亦足供後人之一匕也。

卷爲袞。端爲冕。佛時爲弼。調饑爲周。旦明爲神。相傳久矣。敦弓之爲雕弓。手仇之爲手剡。此以器徵。鼓塗爲攢。繆幕爲綃。紂衣

爲緇。此以事據。臺飴爲狐苔。惡池爲滹沱。此以地知。故赤白翟

之園洛。以銀州而定爲園洛。鄧禹傳之元二。李贇直改爲元元。

吾則是之。

洪容齋言楊厥石門頌中遺元二。孔耽碑遺元二。坎

泥之。而勉

夫又泥之。魏了翁言賈公彥誤熨爲熨。王勉夫喜師古解剖炙

爲名。雲母屏風爲雲岳。

鄭弘傳

呂覽瞽叟梓瑟爲瞽機。

玉海

寔則

訛耳。漢時載籍類多別本。石經碑刻。文畫假借。狀後世好古之

士宜博稽廣參取其近理者從之疑則闕之異則并存之直去

本文徑加改字此京山之咲康成吳師道之恨鮑彪也鄭好改字如包

蒙改彪蕃庶改遮之類南宋鮑注國策詆高誘元金華吳正傳因陶宏本極詆鮑氏如以魏幾鄢陵為人名公于牟非魏牟魯

連約矢書為又有為國諱者通嚴曳人之類而陽秋景午至今

猶不知改王伯厚序四部書曰景部丁部司馬康沒于靖康前葛常之作韻語陽秋非其時矣

何乃預以烏桓為烏元邪寒鼈改炮三奇成在彭州導江今作三城白鷗

波改沒浩蕩夜闌更改互秉燭曾閃朱旗北斗殷作閑閑乃子美父諱酷吏傳

之媮快勝任今作愉快世不知媮音偷而讀媮故作媮貨殖傳之千樹萩今刻

作萩左傳雍門之萩方朔傳有萩竹今不知此云是萩誤相習而忘之晉之干寶鄧潛谷

趙凡夫作于荀勗公會馬維銘刻為公魯新刊監本爾雅李時

珍本艸綱目。陸元恪皆作士衡。是則所當急改耳。

古書參差說

古人稱引。略得其概。則以意摘辭。予乘四載。孔注尸子。淮南說

文史漢各異。

孔注謂水乘舟。陸乘車。泥乘楫。山乘櫟。尸子泥行乘。蘓淮南子注。澤行乘。蘓說文。山行乘。櫟。澤行乘。

輶。史記陸行乘車。水行乘舟。泥行蹈。橋。山行即橋。橋音。蘓徐廣曰。橋一作輦。漢溝洫志。泥行乘。輦。山行則。輶。

瑚璉之

制。明堂位與論語春秋正義左傳注異。

明堂位有虞氏之兩對。夏后氏之四璉。殷之六

瑚。周之八簋。論語夏曰。瑚。商曰。璉。說文作。璉。春秋正義依明堂位。而包咸等注。論語賈服杜注。左傳皆云。夏曰。瑚。康成則以論

語為

蓄。畬新田爾雅與鄭氏異。

爾雅云。一歲曰。蓄。二歲曰。新。三歲曰。畬。鄭曰。畬。鄭曰。一歲曰。蓄。二歲曰。蓄。二歲曰。蓄。

畬。三歲曰。新田。

甯戚飯牛歌凡三見。

淮南子。劉向別錄。高誘。呂覽注。謂戚所歌。乃詩碩鼠之詞。則誘初未

見南山白介山龍蛇歌凡五見。

呂覽史記新智嘗怪新序說苑

石之歌也。

皆子政作而說苑載舟之僑歌與介之推歌同何自決漏如此

國語左傳皆丘明作而單襄火覲里革斷罟雞丘異年妃支異

名不特叔嚮咨才一字之訛也單襄論朝覲道弗里革諫宣公夏濫泗淵皆左傳所無襄三年

會雞澤作四年會雞丘葛緹作又奚問扈樂頃熊履綸軒酌歐

蛇屈銀浩油郃郎之於公穀乎又奚問薦臘艾之於列女傳琴

冒勃蘇之於戰國策乎圉人犇弒子般公羊以為鄧扈樂宣八年敬羸公穀作頃熊隱二裂繻公穀作

履綸昭元國弱公作國酌罕虎公作軒虎極十二曲池公作歐蛇昭十一厥愁公作屈銀定四臯馳作浩油莊時襦公穀作郃

滑公穀作郎諸如蔑作昧駭作倏州作祝郃作盛顧作髡釋作

類鸛作鸛輒作痊麋作圈夔作隗首作手秀鄭作犀師之類不

可勝數薦賈子薦艾獵即孫叔敖列女傳作至于諸家經本易

王相孫叔敖有虞丘子薦左傳無所謂虞丘子也樊姬言虞丘子為相數十

年而左傳宣四年令尹越椒殺蔣楚遂趙世家景公二年司

滅若敖氏即鬬氏宣十一孫叔敖為令尹寇屠岸賈殺趙朔程嬰公孫杵臼匿趙孤十五年左傳無此三

人與如許年也成五年為通莊姬放嬰齊八年姬譖討自漢以

後班馬異同吾可得而折中矣一人之書文重思煩刊落不盡

時自牴牾毋寡或為毋鼓栗客或謂栗客表殊年月溫公嘗以

歷知荀紀有差凌氏攷定其失西域傳與貳師伐大宛一作毋鼓韓信傳歸漢為治

栗都尉表以為栗客按史記作典客索隱以為栗客師古以為

票疾而賓客禮之此解非也司馬公曰史記將相表八年七月

辛巳審食其為太傅九月丙戌復為丞相後九月免漢書百官

表高后七年七月辛巳左丞相食其為太傅八年九月丙戌復

為丞相以長歷推之八年七月無辛巳九月無丙戌二表皆誤

凌氏按翟方進以永始二年二月為御史大夫至十一月而貶

凡居官八月耳。故曰八月貶。荀悅漢紀因以爲秋八月貶也。卽莫煩於姓名地里。合集諸證。

亦有緒也。

同名如漢兩王莽兩京房同時有兩王章兩王商之類。甬東俞寅諱矣。地里之同如丹陽東陽新安石城。

硤石歷山之類。

霧靈曰屯田必舉克國。而趙寔未嘗屯也。東坡歎二疏

見韓楊之誅。則年次差矣。垣護之裔。避欽宗諱。改互氏。因曰互護之。自非史訛。李密表少仕僞朝。亦後人改也。史記以張良爲申徒。潛夫論以良爲信都。卽司徒也。楚漢春秋謂韓王名信都。知幾訛遷固。羅璧識遺。又訛知幾。歐陽集古子固且譏。而彥遠又議考究隨筆。本待後證。豈相諱乎。

六書形聲轉假說

用脩曰。六書當分六體。班固云象形。象事。象意。象聲。假借。轉注。

是也。四象爲經。假借轉注爲緯。漁仲論假借。是以偏旁諧聲爲轉注。則非。老从匕音化。考从丂音巧。非反考爲老也。毛晃。蕭楚。程端禮。王栢。皆駁。叔重。張謙中曰。假借者。因其聲。借其義。如甲拆。借爲甲乙兵甲。轉注者。轉其聲。注其義。如賁敦七音。弱侯曰。轉注爲六書之變。而趙古則所云雙音竝義。旁音協音。又轉注之變也。

愚者曰。漢時碑記。過於通。如潔顥。芊陽。形刑。陸睦之類。說字家過於別。如同詞合俗。畝訟之分。叔重。王分別者也。加以附入。舛抵益多。夾漈乃明假借。馮謙。楊焦乃明轉注。凡夫復主考老。以偏旁爲轉注。拘矣。請通論之。人所貴者心。而不離五官。始造文。

字皆意也。而不離五者。則當以意爲第一。狀先形事者。以就可見者起意也。名爲五官。用時並用。名爲六書。一字並存。如見日月之事。卽指日月之事。卽有日月之聲。而指爲日月之意。卽會焉。特以因形立事。附聲見意。而意多字少。轉借爲多。總言之。惟形與聲兩端。而意在其中。意事與形聲爲兩端。而轉借寓焉。形聲事意皆有轉借。而縱之平仄。橫之宮商。填字歸韻。倫論必不可紊。使宣尼生今日。吾知其必樂遵正韻。用新譜也。

說文槩論

庾元威云。許慎穿鑿賈氏。乃奏說文。同時鄭氏卽駁之。何待少溫漁仲辛泉合溪子才敬甫輩乎。孫徐尊許。尤多回穴。姑槩論

之以俟明者。有草無卑。有妙無妙。有顓無頻。無躐而通作獵。猶

有說也。有瀏鍤而無劉。漢姓可遺。但訓殺乎。無妥而綏从妥。無春而有瞢

𦵏。𦵏即春。春蠶从之。無蹤而車部有輶。無跬而雉下讀若跬。無鸚而有

鶯。與專切。則是鶯。說文亦不載鶯。無希而禾部有稭。俛俛勉冤皆免聲而無免。

各部引由聲而無由。即非紕繆。豈無傳訛。其他通用異筆。輒乃

複載而複訓之。鼓鼗鬲嘯。不應為二。此猶字子音百耳。漢令鞠作曆。或作甌。與鬲嘯同。

分為五。鞠籀𦵏。趨𦵏。企別為四。企企舉踵也。跂踖又有趙造。矚又有

鬲。引書。鬲容。徐本轔復有脈。踐有銜。𦵏𦵏雙從。兩吁重出。變𦵏訛

嫺。發鳩無凍。楊去奢按水經無凍。惟漳出上黨長子發鳩山。娒婉何分于婉。孚保互引

古文。其解字立義。更多牽強。麥為金生。火死。從來有穗从文。逐

爲遜走。頰从逃省。臼爲合爪。止爲取象于艸。勞爲熒。火燒門。舟
竟兩岬爲互。變形登天爲真。至孫徐之妄析造音。尤不知所據
矣。古自傳疑。抄或錯簡。必爲曲說。何益。說文本多𣪠。令所加。雲
勝所注。宋僧楚金所繫。今皆遺失。固當因他書搜集之。備參攷也。
守殘何爲。

說文引逸周書有均匠。士分民之祿。周書維縞有稽。縞旄絲也。
𦵏𦵏巧言。自是遺文。可無論矣。引易噬乾𦵏。揚雄說乘馬驢如。

引傳癸夷蘊崇之。以備陳三窻。孟子澆淝。詩旣禡旣禱。周書王

三宿三祭三託。當故切此或古文。他如因亢龍作忼。因𠄎三瀆作

𧯛。其牛掣作𧯛。豐其屋作𧯛。𧯛作𧯛。五品不遜作𧯛。藻火粉

米作噪。粉絲。剛塞作塞。餅磬作室。諼艸作憲。啓予之足作跂。立

卓作大。稭。敵王所愾作鎮。費誓作衆。凡夫引用諒闇作涼。瘖。叢

脞作臚。鉉作曾弁作鶩弁。我興受其敗作退。禠而不越作迭。旣

微且衝作癰。曾黠作黠。言偃作於。有能俾乂作嬖。我之弗辟作

辟。菲飲食作糞。秣馬作鉢。常伯作旼。弼成五服作邳。褻裘長作

結衣長。又載褻毀宗躡行作蠟。惟家之索作索。壹戎衣作儻。彝

倫攸斃作殛。服牛乘馬作犗。瑟彼玉瓚作瑟。振振鷺作振。衣裳

黻黻。信誓旦旦。冕旒作璽。含玉作瑤。率循作逌。將率作衛。枯骨

作骷。厖涼作捥。潰爛作殢。大夫死曰卒。作姦。鰲黑作癰。神主作

室。碁作稭。石作祐。狀作嚙之類。不可勝數。皆因有一義。卽專一

字以別之。又如引睿眈潛距川。川訓引作濬。祿字引靜女其祿。

殺字又引其殺。又有殺字好也秩秩或引詩載載艷艷秩秩。天或引作

祆。又引作秩。凡凡引作擊。又引作已。斲而隴切羽獵韋綉。或作襃。

引鳥獸襃毛。毳字亦引毳毛。汜引詩江有汜。涇又引江有涇。斬

荇菰三字。通言江夏亭名。訓愉爲薄。而引私覲之愉愉。訓玷爲

屏。必誤重上文之樹塞。朱子曾以此問程大昌夕惕若夤。乃合良之列夤。

詔志峯免。諸敘注有之。而無其文。可謂之不漏乎。攷叔重時。石


經已定。何獨異如此。大氏漢以後。名多事起。稱謂易淆。故稍別

之。或轉其音。晉唐所加。附錄牴牾。愚者曰。爰歷凡將訓纂皆沒。

漢籍。惟此歸狀。因以攷古。自是苑囿歷代辨論。今可集成。金石

漢碑之通何必強合。說文重複之文。又何必強分乎。學者但當依石經史漢。旁證諸家。以通古人。比時義耳。同文盛事。有正韻在。

趙宦光長箋也。必作毆。注必作。好作珎。像作豫。畢作緝。重作

緝。方作仁。入作毆。姑論其一二。西籀爲。本匚器。音逖因用助詞。

加匚別之。凡夫惡其訓醜耶。豫章之廣州海何以避之。匚本是筐。古方作口。太簡故

借方。舊說方舟作廿。智按方本旁字。象旁視人形。古方旁聲近耳。土零禮握手緇纁裏牢中旁寸。注旁爲方。荀子方皇周

浹方音旁。今不借數千年所常用之也。與方而乃新借毆與仁乎。

說文漏略。李吳岩歎之。如直翁伯厚考異所引多非今本。合溪動引唐本蜀本徐本。吳正儀之說文亦不同。正當輯之。而凡夫

于六書故所引尚書之亮皆不信。別書所引則似未過目也。大
約止翻字書。未淹經史。如旅于泰山。不知旅與臚通。故爲祭名。
不知夏屋爲房俎。不知馱餉鼓之出爾雅。不知祿飾之出急就
章。外戚傳。日月爲易。乃漢儒說。虞翻主之。吾衍不從。凡夫但云
周伯琦改日月爲易。豈知伯琦抄合溪之說乎。極字以懷素改
爲負笈。而不知負笈先見于李邵。痕痛見內經。薛宣傳。而乃以
翻胃釋痛。叶用見五行志。而咲宋人之舌。則未讀漢書也。米襄
陽天馬賦籀雲。出天馬歌。而乃訝籀字。則未閱樂苑與漢志也。
琅玕似珠。而欲改株。則未閱素問也。旣泥五十作率。亦不知乃
劉元城之說。則未見易解也。茵酒是鄭司農說。而不引以證。則

未見周禮注疏也。改子雲令升之姓。強責昌黎名愈之非。寧知
愈愈古義。姓苑昭狀哉。又可訝者。史傳百家。從不援引。而數引
渚宮舊事。後周余知古著何其獨愛此書也。如引渚宮茹黃之狗。則呂
覽甚詮。何不引呂覽耶。惟論門法可取。而改音又失。颶颶颶之
訛。主臣皇恐之艸。猶可存證。專精嫻扁之法。是其所長。

韻會小補。字彙盛行。舛誤不少。姑舉一二。魏了翁曰。左傳齊無
豸。魯無鳩。爲好對。襄十六年。宣子曰。句在此。敢使魯無鳩乎。宣
十七年。范武子曰。使郤子逞其志。庶有豸乎。韻會小補曰。鳩有
紙音。春秋傳庶有鳩乎。徐邈讀。按此則大誤矣。酈食其傳。握齬。
增韻誤見握離之本。而直翁升菴引之。吳越春秋。其密九襜。直

翁誤作九欖以證越椒子謙誕生皆對本抄載他如漢書于越

不攷狗高誘之于越王會於越納伯厚云定哀三書于越注于發語詞荀子亦是于越高誘注呂覽訛耳

列子墨尿不攷竟收墨尿之訛顧遜園因作噀尿其作一咲漆城光光踵升

菴攻諸本俱是漆城蕩蕩天命不諛仍書林昭廿六王子朝曰天命不悞音叨廿七子家曰天命不悞音叨

諛從魚噫歐陽歸田錄有論打字本謫耿切當是滴耿切今見字彙竟云打音滴更舛矣何異銅音紂紅反而今音紂乎

智按打从丁二王艸等作才乃借打字也今都瓦切耶與邪同耶乃後作字彙耶反音斜非矣目部𦇧引莊子以𦇧合驪耳部

又有𦇧亦引莊子此句其寔莊子以𦇧合驪音兒與宰夫𦇧熊蹯同熟和也何況明星晰晰之借為𦇧麾城𦇧邑之訛為𦇧管

言蹯蹯載其出于何本褒褒爪仇詳其詳于何因乎

古籀用篆不必改楷說

魏華甫熊與可以篆寓隸體王師魯賞蘭臺碑為書法取態也

命赫驤驤

禹益

之類

王起商商

泰劉

杳杳酒

松音震

識之則已

藏弄亦可藏屋

攻陳遵傳作藏去字書加弄鄭氏作屋

滿柏不若糟魄

見莊

畫傷

內哭可矣畫哭喜哭可乎如康作乘

石鼓

郎作姦

弟子職執

率

作芻

董道用

囙作囙

此作此

解作履

夫作亢

今作亨

昌作昌

攀

奏長

字彙例收

欲篆則篆

改楷失矣

周禮之

觀櫟逢櫟

風析

史

原拜

漢之舉瀆鼃氣

遷沸

尚且不必獺祭

况緯書之

覬并斥底

耀莽

吟辰

碑本之嘲潔昭隔乎

邨閣碑

嘲潔

即潮溼

泰山碑

昭隔

金石古

籀摹印則雅

複篆漢隸

可用顏署

文以析理

敘事詩以

比興陶

情所貴流動

入人自浚

餽飭奇古

反傷體致

古篆隨意增減說

六書略云。古今殊文者。如黃帝貨。貨作斤。帝嚳貨。貨作仄。高陽
貨。貨作忻。又作尿之類是也。有一代殊文者。如太昊金。昊作𠂔。
又作𠂔。高陽金。高作𠂔。又作𠂔。又作𠂔。又作𠂔。又作𠂔。又
作𠂔之類是也。有諸國殊文者。如晉姜鼎。通作𠂔。虢姜鼎。通作
𠂔。宋公鼎。公作公。魯公鼎。公作𠂔之類是也。𠂔泰之篆。𠂔𠂔𠂔
𠂔。漢碑𠂔𠂔𠂔之。皆一篇間作。可知古篆。或複或減。時出新意
矣。六書統言庚拜作子孫尊彝佳寶等字。多至百計。豈非三代
之增減。倍于鍾王乎。秦一于秦。漢漸別之。晉唐乃嚴。好事家做
碑隸者。皆陸顏所指爲俗書者也。以古文正小篆之失。直至夾
漈。乃得大端。𠂔𠂔𠂔。牙目。由縱而橫。𠂔𠂔𠂔。犬豕。各還本

象。後來楊戴周趙。魏王吳朱。皆因此推論。今用以屬文。則不可。存以泝源。則有合者。安得謂後人不如前人哉。

推論

止戈受辛。皆一時隨意之言。如賦詩斷章。取所求耳。後之推論。

豈可少哉。平之从水。古作亓之从月。古有亓左蒼嶼日者之爲

穗。常古穗象形中_中之象形。古冕與弁皆象形重_重量从車。或謂从登之爲簾。象

異之爲跽。亦作𠂔之象髮。古方从人上聲𠂔之爲呵。象呵峇之爲腎。古

卽腎與脊皆象形少_少温之論首虫。蟲蝨虫一字漁仲之論或戊。从

季昭之論古乳。手治絲也辛泉之載熾品。熾卽漢品卽合溪之

論皂𦵏。𦵏象簫形皂音香伯温之言𠂔亞。𠂔本爲岸之交會處借爲辰宿古文作𠂔

子才以為七政亞惡一字子才之論罔亥寬完丙从罔亥為茲作不象形完本寬字相易泝原以

單為讎喧除里中之意總要反身為臣身字鬱儀之言歿昊歿即病字

昊从目目即拒鬯之鬯皆有補于前人不能盡引姑舉大端若疑之省文

為歿矣之如射相礙画即為畫寸即通又由義因田温从並日

今从斷莧繇台吳之訛决制利世迥之別因用之从才而知周

為古珣團為官守而知官从宦省戴作向魏朱从之吾衍駁之家因伏几之

形而轉从豕牙犬伯温與牢金論母丘音貫而知母為古冠屋履从己

而義非从尸卧古作尸而監非从卧春嘗華卉其原相因○日

星○圓口方圍稍其形初變因母哭音囧而足知眊為眊訛因

觜觶齧焚而雋雋之象鳥尾推至音主又音九九即圓點音丁丁點聲形

相一之始。正可相商。

方言說

劉歆取方言書曰。詔問適人軒使。歲八月循路采童謠歌戲。欲頗得其最目。因從事郝隆求之。但有其目。聞子雲採取先代絕言。異國殊詞。非子澹雅沈鬱不能成此。欲驗考坐知。雄曰。先代輜軒奏籍。皆藏周秦之室。嚴君平林間深好訓詁。猶見輜使所奏言。君平財有千言耳。是固國職而好學者增訪也。北史劉延明亦著方言。蘇林曰。如今秘書。學外國書也。漢北海劉熙作釋名。吳韋昭作辨釋名。北史李鉉正經注中謬字曰字辨。永徽中符璽郎顏揚庭上父師古刊謬正俗。唐祭酒李涪亦有刊誤服

虔通俗文。阮孝緒云。李虔。蓋俗說也。愚者曰。古今方言亦變矣。左傳鬪穀於菟。虎也。高誘注淮南。楚人謂恨不得爲柸治。謂牢曰雷。招魂餘聲爲些。去聲。陳涉傳夥頤。貨殖傳果隋。注今語爲果搖。服虔曰。楚人謂橋曰圮。音頤。蘇林曰。南方人謂抱小兒爲面雍樹。如淳曰。齊人以不知爲丘。章懷謂漢以蜀爲叟。水經注謂冢爲琴之類。今皆無此鄉語。方言所載。十半與今不合。卽郭璞所云。惓惓。閱穀。們渾。肥臙。慳慳。遽矜。黠姑。了戾。胎腴。律踞。等語。亦在彷彿間。世說朴近。如所云寧馨。爾馨。何乃匄。虺互弔。俱無此聲。於江南則聲與讀兩相轉耳。其可推者。些去爲平。乃匄爲邪行是也。

愚歷考古今音義。可知鄉談隨世變而改矣。不攷世變之言。豈能通古今之詁。而是正名物乎。互詳諺原。

漢以來傳注。每用方言。黨所也。踊豫也。憾狂也。昉適也。于諸置也。如卽不如。讀伐長言之。殷如衣。悅爲紛。斛爲鼓。祭爲墮。渙作淥。疾爲戚。衡如般。綏爲雉。地堅爲洛。湯熱爲觀。浩酒曰滌。穿地曰窰。蛤灰爲义。灰土釜爲牢。噐。禿髻。楊檠。繩緘。杯杆。掉磬。挾提。脾胝。鳥翅。轉麟。伏兔。胡子。侏大等。皆以此訓解。後世卷帙浩汗。何暇于察適言。間見才老。讀務爲蒙。新都讀日如熱。京山轉母爲模。豈無稽者乎。欲通古義。先通古音。聲音之道。與天地轉。歲差自東而西。地氣自南而北。方言之變。猶之艸木移接之變也。

歷代訓詁識緯歌謠小說卽具各時之聲稱。惟畱心者察焉。

四聲通轉說

桓帝時謠曰。嚼復嚼。今年尙可。後年銑。銑叶鐸。提之爲擲。毬之爲鞠。嘯或讀歔。亞烏轉惡。西方字母。阿或兼遏。固已明矣。攷許慎召陵人。鄭氏高密人。服虔滎陽人。何休任城樊人。蔡邕圉人。應邵南頓人。高誘河東人。徐邈徐廣。東莞姑幕人。沂青相近。亦北人也。音皆有人聲。如莽陷鰭魚。登萊呼近。報字。而注音蒲角切。可謂正矣。吾故曰古不似今。中原之入聲。皆寄入三聲也。四聲通轉。惟所用耳。

荀子石中人。觥音觸。以笛軸。鉞稍聲可証也。伯厚云。卮觥觶相

通日磳讀密低。低从氏而月氏音支。故知古呼磳磳鼎簞時轉也。禮記薦豆執校。執豆之跗也。沈瓚戲犯王亮父猷之諱曰犬。傍無骹尊。骹卽脚也。可知校脚一聲。

漢晉變古音沈韵填漢晉音說

漢書當蔡謨集解之時。有二十四家。而孟康音義。或云服虔。史記自後漢延篤。乃爲音義。又有音隱。直至徐廣音注。裴駟解釋。始略詳定。自服鄭應許之時。已變古音。廣等沿之。及沈韵出。特取漢晉之音。填入耳。挺齋盡恨。休文用四明土音。能無誣乎。狀嚴切。始于孫炎。講求見于東晉。釋文所載。史漢注所取。皆本于此時之書。是其音響。江左爲多。杭州呼負爲阜。三吳呼家麻。皆

與沈合是也。所以能知前代之音者。如允吾音鉛牙。中國竟譯以鉛牙。而乃作允吾乎。譯南模爲南無。亦其類也。康成鉏牙卽齟齬。景純迨牙卽錯互。孟堅規撫卽規模。則漢晉時猶有牙如吾。無如母之聲。羅敷行。言可共載不。不與敷叶。則不歸尤韻。可知矣。泝水者洪水也。周末已具二音。而孟子合之。紫玉歌。雙協凰光。則已江陽合韻矣。不字平聲起杯。讀佳。畫爲加化。果待溫公戴氏哉。浮本从孚。雋本从隹。狻竣本从爰。其音涪剪酸旋者。皆方言之轉。一儒偶注。而後人典據也。智嘗曰。廣韻遵沈。而古音盡泯。亦有功焉。舉世不知其故。不能正論。亦不敢妄改正叶。時定。端在今日。嗟乎。以千年中原儒者。不特著中原之音。而待

德清耶。德清無入聲。今賴正韻。其萬世所當永奉者乎。

辛巳夏日筆

音韻通別不紊說

旋韻以中和均平之聲音爲四正。支灣放閉爲四隅。倫論森狀。

其通轉之幾。于發送收餘。可知矣。旋韻因康節一行指出別詳圖說都俞發聲

也。喉中滿呼合唇爲吾。吾從又口。◎從東呼。喉音圈唇爲阿。張

母也。吾侷唇爲余。書曰其如台。音怡。余之轉也。台轉治。音持。淮南

也。斜合皆从余。余又轉撮唇爲都。抵齒爲諸。瀉齒爲遮。相如賦于

于諸也。此聲見公羊上林賦。諸此模麻韻之通也。瓠子歌吾山

柘蔗也。張協都蔗賦。卽諸蔗。卽魚山朱鷺

注魚魚雅雅吾吾讀衙衙御輅迓一聲。烏鴉一聲。周亞夫印作

惡惡谷侯作亞董迨知銅互峇卽亞倉谷永傳盤互一作牙郭

璞牙見卽互見茶陵卽茶陵藏經四于轉噫吾轉唯此魚支之

通也漢書多姐音姊日斜卽曬匝也相轉李夫人傳注定知以

劉綱噯噯雉雉紫芝于薦皆此聲也涇人呼餘作圍於戲戲下可証胡與喉轉戾與維轉此尤支

模之通也詩戾栗戾梅猶言維也史樂書過沛三戾之章卽三

南讐夷與于轉爰云圓轉環九此先魚寒山之通也聊樂我員

于時廬旅皆助詞申夷卽昆些之助詞猶斯也夷居爰處

此支歌麻之通也楚些音梭去聲張氏曰恩斯勤斯與些同有

斯與波叶左雄傳職斯祿薄謂些小也俗語鮮白孔子臨河歌

些班彪用磨賈山自下劇上礪古磨字洪适曰儀義古音俄何

奚音通捫噫亦轉優此皆支之通也優見禮記漢書郎位星哀

摸音通牙聲他如東陽庚通真先寒山通蕭尤侵覃通通以唇舌分倫

而填韻自各別也。

雙聲如彷彿。

遠遊篇髣髴典引彷彿練時日章相放悲震澹心師古作方弗陸雲用何佛郝弁通方物悅惚荒忽

彷彿。

禮書房皇周浹一作傍惶弁通張皇倉黃。倘佯郊祀歌常羊楚辭相羊上林懷佯李

舍本襄牟柳作

匍匐。

檀弓引詩扶服霍去病扶伏范睢傳蒲紛倡佯亦通仿佯服韓信蒲伏膝下秦和鍾銘匍匐百四方

紘。

赤雀詩六紛員郊祀志紛云六越越易作次且或作栖遲嚴

碑作西遲蘇氏作猗徂

聆響。

子虛賦聆響布寫漢蕭森上林蕭蓼六臣作箭蓼張衡用櫛摻

考工注

踟躕。

劉宋書樂志引五馬立峙踞說文峙踞楊龍種荀

隴種而退卑倉作蹠蹠富嘉謨用遲佇通作踟躕

躑躅。

韓非明危

白作峴峴杜甫用臬兀太玄闕首圍

諛語如昆侖。

言渾淪也山作崑崙人貌渾侖昆吾園器也爲國亦稱崑侖弁通混沌坤屯困敦

銛以審作琨。侏儒短兒因以侏儒短衣。滄浪水名有蒼筤竹。倉

浪。嶮嶮山空兒因分窳窳室空。嶮。汙。浮。渤也。大釘曰鉗。鉗似

也。屬婁。為骨為劍。因。肅爽。馬名。鳥名。加旁。踳。足位立也。說文

降。瓊。忽雷。胡栗有大小忽雷。馬有。鐙。錡。火齊也。惟石礪礪。臣

載棠棣。戚施。詩注讀為戚施。集韻作規。規。韓道昭作頓。頓。說文

音唐錄。蘇弘家作蠶。蠶音去秋誤。大約諛語亦雙聲也。崔嵬澎湃。以聲

形容。响。嘯。寵。從。各隨所讀。此舉以論聲。轉俱詳通雅。

姓氏三十二類繁矣。賁音肥。不音彪。玉音肅。遺音惟。吞音天。能

俱音耐。柏伯袁爰之同。疏棘桂痛之變。京嵇自取。賀師避諱。統

諧詳哉。狀兒倪本為一姓。鄒尋又合斟尋。顏籀不知求即裴伯

厚且分角角員半千慕子胥何必音運注伍員杜母止即貫而母

丘音無何也至如鸛軒褐受萬呼警啟糝命盤亥之類直自造

耳觀翳翳之因厥豈馳之因姐奇姓傳訛何限不如聽之漢賜

妾厥氏丁度韻古作身今有翳氏按古尚書厥作昏則括厥音

近而訛身耳漢多姐凭後合為豈音陝博雅有馳即姐字今字

彙作負又訛矣地名多異且舉得證者例之曲途音去遇犬顏譏之因曹參傳

也按水經注博水濡水出蒲陰回湍曲復謂音去遇犬顏譏之因曹參傳

之曲途水故縣名曲逆今焦張猶泥去遇耶音去遇犬顏譏之因曹參傳

宇彙音紂音去遇犬顏譏之因曹參傳後人樊噲傳霍人注作後人音雖係恹音鎖智按雪

止是踵誤音去遇犬顏譏之因曹參傳誰雖从之故羅霍本音婪而音霍者音去遇犬顏譏之因曹參傳示氏音去遇犬顏譏之因曹參傳權音去遇犬顏譏之因曹參傳因權音去遇犬顏譏之因曹參傳鵠因鵠形近也音去遇犬顏譏之因曹參傳婆上聲為鎖音去遇犬顏譏之因曹參傳邪龍音去遇犬顏譏之因曹參傳邪音牽此音去遇犬顏譏之因曹參傳番吾音去遇犬顏譏之因曹參傳真定蒲吾也番音去遇犬顏譏之因曹參傳轉精音去遇犬顏譏之因曹參傳鹿鹿近而包乎通音去遇犬顏譏之因曹參傳

潘此同盆音伴。智見吳元滿徽。監町音倏。盤江所出。或胸臆洪

音瞿。閨字彙作胸音。閨皆誤矣。淳于以敦圩名。晉語戰以錡于

得之後周斛斯徵識物名異者茶首音蔡茂。按博物志蔡余義

之既音敦則姓同音。皆兩頭鹿。屏蓬見山海經之并封。用修收郭字。江隣幾以徐積

聲形互訛。肉郭云封封篆而訛耶。押不盧周密載殺人復活之藥。勝略

此類蓬蓬然故有此音。活鹿酋耳即尊耳。騶虞方劍服匿。單于與武者音避匿。陸澄荅

席阮堅之曰扁觥可佩者方良張衡賦腦方良即罔兩。世家夔

說文服牛作犢知其音通。相皆楊布史記注白疊也。或作荅。馬援衣都布。曹溪

通。唐歌得董紇那邪。紇那得董邪。得音丁。紇反。計有功紀事作紇

囊得體邪。體音都。董反。韋堅令陝尉唱得寶歌。太真外傳曰得

靴恐是韞訛。琤之別也。紇那得董之音。即今骨董。說文壘鹿苑

有獨漉篇荀成相辭曰獨鹿棄之江注網也元矣作里鹿訛蓋
星从中土之坐得聲訛為主星則音卦鄭箋曰櫟今僚呂殆獨
漉篤穉音祿張子賢曰宜和異香有篤穉亞悉泊宅編市舶都
類篤穉張苑進篤祿香得學士號篤祿學士按是都盧之轉都
盧漢有都盧唐名戴竿或曰緣株釋名曰都盧負屋休儒柱也
秘智按小顏曰都盧鹿盧禮注以紉紉碑間之鹿盧子雲賦輜
國入善高跟挂腹旋鹿盧一作機轆轤音雷盧即兜零也
光武紀汪烽燧有兜零古搔勞隋帝嚙戒師銅搔勞一口南橘
玉圖攷有鹿盧謂連轉者搔勞夾膝挑按搔勞篋籬也明皇作
銀漉籬與祿山其類也漢書窰籛音撻撻夾膝挑與挑同陸
凡呼即當撻撻之物皆狀不必定執經戴夾膝桃桃與挑同陸
膝贈皮襲矣即急就章所謂家也伏几也南不落不音梧說文
梧即關斑柁癭子木也張子布有柁梧枕賦不音梧說文
梧也竿答也簞答也檣盪負戴器也檣同方言梧落謂之豆
管管周官筭簞類則說文以藍籠為梧落古都即部皆不之音
滿爰竹盛器如土器名撲滿也香山詩銀花不落從柿心遯園
君勸開運馮相水晶不落退之用鑿落則竟指酒器柿心載柿
心筆格即棗心朱子跋蔡藻筆棗心樣山谷言即奇枕杜方
棗心散卓古柿即柿柿棗聲轉竿柿一名榎棗可証枕杜方
几

蜀漢曰扯郭璞音賜按藥菰枕扯枕木器偏諸賈策繞以偏諸

也凡如盤案舉案可証集韻作捷以述訛緣顏引腰襟又

云條按光武紀諸于繡驅元后傳注師比見國策卽犀毗史記

往衣繡驅半臂宋曰半除鄭音偏遮師比作胥紕淮南注私紕

韞帶也遼束鞞鞞阮母追音莖堆大傳冒而句領荀作務務帽

謀解鉤鰈謂螳螂拘冕牟聲通彌衡岑牟可証布母縛鷁

袴和門周禮旃建和門尹賞傳桓門謬門音池遂作謬文選謬

也東棺前日和蓋橫極和通聲門曲榭劉曜傳謬門

旦空陸雲云曹公謬堂子謙引作謬塘按辟祓鄭注考工中督

爾雅篠通作郊呂覽夕室音迤室皆以聲荀子央瀆御覽引

甕械卽甕甕階笙師祓夏音咳伯厚以央瀆莊牟溝卽傳之匣

南咳作祓梁有階步歌可証祓咳階通也詳通雅

由此論之隆準音頤文頤卽以服應爲非矣魚須音

斑庾氏已知陸氏之非矣存中譏樂天以哂音孚田汝成咲顏

籀讀廷爲定問奇集譏人讀馥爲古沈寧菴譏德清收浮于模

夫豈知其故乎檀弓免音問馬鬣封音窆筭選率刷壽熟壽束

夫豈知其故乎。靈素之炁。當與熱同。沈約雖蛻。亦可平聲。退之咏芍藥。何必附文選之勺略。京山知劉杏。何更以羲獻父子附犧娑。落魄不必音拓。繁纓不必作輦。杜用張翰音漢。中興音仲。香山一番音泛。舍佩啗而造天音金。元笑譏王敬夫以物作護。正吳編論晚挽同收而異讀。史照蜀音。三省辨誤。必以太守環攻。與上治同例。總是古通後別。不得不狀。詩律詞譜。時借用耳。愚者曰。漢末孫炎爾雅音義。始爲反切。魏通釋書。此法大行。音一定。故莫逃。字有盡。故轉借。狀有古可通。今不必通。楷可借。篆不可借者。郭恕先分屯乇。虵蛇勤動。躑躅審審。況況。則造說也。鄭魏推古意。吳楊攷古音。是也。執古廢今。則非。若執古之訛誤。

者更不必矣。斷之曰：古通有倫，謬誤宜正。雅音宜習，正韻爲經。學者講求聲韻之故，勿參列證以補前賢之未盡，使萬世奉同文之化，是所望也。詩書執禮皆雅言也。孔邵子歎韻一行旋應，鄭注典法必正言其音。韻鑑縱橫，中原陰陽確矣。智嘗因悉曇泰西兩會通之酌正韻，定正叶焉。別作一編以俟知者。

音義始論

音義何始乎？無聲有聲而義生焉。音，心曰意，而用于形聲。其事咸宜，其義乃顯。嘗自思惟：風輪噫氣，寓竅唱于冬雷；艮震帝與物出，風雷益雷，風恆聖時思睿，萬古不壞。此貫乎有聲無聲而冒如斯者，果何義耶？人生下地，徼觀其竅，中發而收，何人不同。

阿哇之聲。卽是吾余。唇喉豈有造作哉。五音止是宮商。而商皆歸宮。平上去入。止是平仄。而仄皆歸平。試以五方而音之。中起東南西而斂于北。東西南北中。惟北爲入聲。一二三四五六七八九十。惟三爲平聲。仄聲直而入聲。斂足驗字頭。平聲則有餘聲。發喉收喉。皆其用也。六七八九。卽一二三四。而十卽申五之四破。旋爲四時。分十二律。以此辨字頭。辨發送。辨餘收。其用寧有遺乎。萬法盡於小衍。請以聲衍。吾余者。中五之聲也。一之聲爲噫。二之聲爲呢。三四之聲爲思。陰陽意言。皆一之因也。你汝若人。皆二之端也。生死時事。皆三四之參也。二舌聲。三四齒聲。一與五喉聲。而唇腭會矣。九專腭。八專唇。七則齒之精。六則舌

之盡十者。宮商之時也。中者。宮商之統也。東爲舌頭。西爲齒收。南爲舌收。北則專合唇以會官者也。春聚聲。夏放聲。秋收聲。冬偁聲。秩叙變化。妙哉叶乎。不入徵至之門。且置勿論。

通雅卷首之一終

各許以一

各許以一

各許以一

各許以一

各許以一

各許以一

各許以一

各許以一

各許以一

各許以一

